

Bergaran, bi mila eta hogeita bateko maiatzaren hamahiruan, ondorengoak

BILDU DIRA

Alde batetik, Gorka Artola Alberdi jauna, Bergarako Udaleko Alkate-Lehendakaria, Bergarako San Martin Plaza, z/g-ean egoitza izan eta P- 2007900-J IFZ zenbakia duen Bergarako Udalaren izenean.

Beste alde batetik Loreto Aramendi Inchauspe, / duena, Donostiako Catalina Elizegi, 2an egoitza izan eta G20558573 IFZa duen Fray Joseph de Echevarria de Amigos del Organo de Gipuzkoa erakundearen izenean.

Azken honek zinpean alkate jaunaren aurrean aitortu ondoren bera eta berak ordezkatzeko duen elkarte ez daudela Estatuaren 2003ko azaroaren 17ko 38/2003 Legeak aurreikusitako debekuko kasuetan eta ezta Administrazio Publikoarekin hitzartzeko inolako bateraezintasun edo ezgaitasun arrazoietan ere sartuta, bi aldeek elkarri aitortzen diote ordezkatzeko duten entitatea ordezkatzeko eta behartzeko gaitasuna eta, hala, honakoa

ADIERAZI DUTE

1.-Toki Araubidearen Oinarriak arautzen dituen Legeko 25. artikulua arautzen du udalerriek, beren interesak kudeatzeko ahalmenaren eta beren eskumenen esparruan, herritarren eta herriko taldeen beharrak eta nahiak betetzen lagundu dezaketen jardura mota guztiak bultzatu eta behar adina zerbitzu publiko eman ditzakeela. Horrez gainera, arau horrek xedatzen du udalerriak eskumena duela kultur jarduerak eta aisialdia antolatzeko.

2.-Fray Josep de Echeverria de Amigos del Organo irabazteko asmorik gabeko elkarte da.

3.-Fray Josep de Echeverria de Amigos del Organo elkarte Gipuzkoa mailan mugitzen da eta bere helburu nagusia da organoa ezagutzera ematea. Horretarako lan desberdinak egiten ditu: organo kontzertuak eman, zikloak antolatu, organo joleei ikastaroak antolatu eta abar.

4.-Lankidetzaren hitzarmen hau egiteko orduan, kontuan hartu da Fray Josep de Echeverria de Amigos del Organo elkartearekin 22 urtetan lan egin dela herriko parrokiako organoak ezagutzera emanez.

5.-Azken 22 urteotan Azkoitiko, Bergarako eta Azpeitiko Udalek urtero antolatzen dute organo erromantikoaren nazioarteko zikloa elkarlanean, eta zikloa koordinatzeko lanak Fray Josep de Echevarria de Amigos del Organo de Gipuzkoa erakundeko ordezkari den Esteban Elizondok egiten ditu.

6.-Udalak eman izan ditu diru-laguntzak lehen ere, eta horrela egiten jarraitzeko asmoa du, onura handiko zerbitzua ematen baitie Fray Josep de Echeverria de Amigos del Organo elkarteak herritarrei.

7.-Diru-laguntza zuzen hau ematen da interes publiko eta sozialeko helburuak betetzeko.

Hala, beraz, bi aldeek honako klausulak dituen hitzarmena egitea onartu dute:



KLAUSULAK

LEHENENGOA.- Aurten Bergaran honako kontzertuak izango dira:

Urriak 2	Bergarako Orfeoia Organoa: Aitor Olea
Urriak 16	Karmele Muro (sopranoa) Organoa: Joxean Pascual
Urriak 23	Biola: Roberto Nuño Organoa: Myriam Ulanga

Kontzertu guztiak Bergarako Santa Marina parrokian izango dira arratsaldeko 20:00etan.

Kontzertu horiek aurrera eramateko eta zikloan parte hartuko duten musikariei ordaintzeko Bergarako Udalak 4.500€ko diru-ekarpena egingo dio Fray Joseph de Echevarria de Amigos del Organo de Gipuzkoa erakundeari.

Zenbateko horretan kontzeptu guztiak daude sartuta, besteak beste, ondorengoak:

- Taldearen eta honek kontratatu dezakeen personal teknikoaren lansariak, gizarte segurantzako gastuak.

BIGARRENA.- Bergarako Udalak ondorengo konpromisoak hartzen ditu:

1.- 4.500 €ko diru-ekarpena egitea Fray Joseph de Echevarria de Amigos del Organo de Gipuzkoa taldeari Bergaran egingo diren kontzertuak aurrera eramateko. Ordainketa transferentzia bidez egingo da, **ES61 2095 5013 7091 1906 0932** kontu korrante zenbakian. Ekarpen hori bi zatitan ordainduko zaio. Lehen zatia %60ekoa izango da (2.700 euro), eta elkartea betebeharriskaletan eta Gizarte Segurantzakoetan egunean dagoela ziurtatu eta hitzarmen hau sinatu ondoren ordainduko zaio. Hitzarmen honekin batera Fray Joseph de Echevarria de Amigos del Organo de Gipuzkoa taldeak baimena ematen dio Bergarako Udalari agiri hauek egiaztatzeko.

Bigarren zatia, %40a, (1.800 euro) honako dokumentu hauek aurkeztu ondoren:

- Egindako jarduera guztien laburpen memoria.
- Izandako sarrera eta gastuen balantze ekonomikoa eta banaketa. Jardueren gastuaren justifikazioa eta fakturen eta dokumentuen zerrenda, diruzainak sinatua

2.- Hala eskatuz gero, dagokion kuota ordaintzea Sociedad General de Autores-eri.

3.- Bere gain hartzea gerta daitekeen edozein gertakari, mota eta zenbaterainokoa edozein izanda ere. Halere, taldearena den materialen edo langileren batek hirugarrenei kalteak eginez gero, taldeak erantzungo du kalte horien aurrean.

4.- Ikuskizunaren publizitateaz arduratzea.

5.- Ondoko baliabide teknikoak taldearen eskura jartzea:

- o Urriaren 2, 16 eta 23ko kontzerturako pantaila jartzea, eta horri dagokion ordainketa beregain hartzea.

HIRUGARRENA: Ezingo dira aldatu ikuskizunaren egunak, lekuak eta orduak.

LAUGARRENA: COVID-19agatik edo bestelako ezinbesteko arrazoiren batengatik, ez Udalari ez taldeari egotzi ezin zaien arrazoi batengatik kontzertu baten data baino 6 egun baino gutxiago falta direla ikuskizuna bertan behera geldituko balitz, kontzertu hori aurrera eramateko elkarrekin egindako justifikatutako gastuak udalak diruz lagunduko ditu, honako muga honekin: bertan behera geratzen den kontzertu bakoitzagatik aurkeztutako aurrekontuaren %50a.





Bergarako
Udala

6 egun baino gehiago falta direla kontzertu egunerako bertan behera geratzen bada, udalak kontzertu horretarako dirulaguntzarik ez du emango.

BOSGARRENA: Parte batek kontratu honetan adierazitako betebeharrak betetzen ez baditu, besteak bete arazteko eskubidea izango du edo kontratua bertan behera uztekoa, betiere ez-betetze horrek sor ditzakeen kalte-ordainen ekintzen eragozpenik gabe.

SEIGARRENA: Hitzarmen honetan aurreikusita ez dagoen guztian, betetzekoak izango dira Estatuak diru-laguntzetarako 2003ko azaroan 17an eman zuen 38/2003 Lege Orokorra, eta uztailaren 21eko 887/2006 Errege Dekretuaren bidez onartu zen Diru-laguntzei buruzko Erregelamendu Orokorra.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan.


Bergarako Udala
Gorka Artola Alberdi

Fray Joseph de Echevarria de Amigos del Organo de Gipuzkoa
Loreto Aramendi Inchauspe



